

本草發明蒙筮卷之二


新安陳嘉謨廷采甫纂

長樂郡
採錄西
諸書

金壇王肯堂宇泰甫校

草部中

鳳翔府芎藭



永康軍芎藭



芎藭

芎藭

芎藭味辛。氣溫。升也。陽也。無毒。生川蜀。名雀腦芎者。

圓實而重。狀如雀腦。此名上品。用治凡病證俱優。產歷陽。屬廬州府。名

馬銜芎者。根節大。莖細。狀如馬銜。含止齒根血獨妙。京芎關

中所種。關中古西京多。種蒔因而得名。功專療偏頭疼。台芎出台

州。屬浙江。只散風去溼。撫芎出撫郡。屬江西。惟開鬱寬

胸。餘產入藥不堪。煮湯浴身則可。一名香菓。嘗載

圖經。秋採曝乾。拯疴。形擇重實潔白。油者。惡黃者。勿用。

山茱狼毒。畏硝石。滑石。黃連。反藜蘆。使白芷。乃手

少陽本經之藥。又入手足厥陰二經。堪佐升麻。升

提氣血。止本經頭痛。血虛頭痛之不可遺。餘經頭痛亦宜

用。但各加引經藥。散肝經諸風。頭面遊風之不可缺。上行

頭目。下行血海。通肝經。血中之氣藥也。治一切血

破癥結宿血。而養新血。及鼻洪吐血。溺血。婦人血

閉無娠。治一切氣。毆心腹結氣。諸般積氣。併脇痛

痰氣。疝氣。中惡卒痛。氣塊。排膿消瘀。長肉。兼理外

科。溫中燥溼。散寒。專除外感。得牡蠣。療頭風旋暈。

吐逆。得細辛。治金瘡。作痛呻吟。同生地黃酒煎。禁

崩漏不止。用陳艾湯調末。試胎孕有無。婦人經斷三四月用

此藥服之。腹內覺動是孕。否則病也。所忌須知。單服久服。犯則走散。

真氣。令人暴亡。務加他藥佐之。中病便已。○**麝香**

係芎苗葉。地產又尚雍州。屬陝西。卻風眩止泄瀉。除

蠱毒鬼疰。主欬逆驚癇。

謨按芎藭不宜單服久服。犯則走散真氣。令人

暴亡。無乃因其氣味辛溫。辛甘發散之過。丹溪

嘗此示人也。又古一婦。感患頭風。服芎半年一

旦暴死。亦載經注。垂戒叮嚀。迹此觀之。芎散之

禍。信弗輕矣。故今明醫每用四物湯。治虛怯勞

傷。減去其芎。亦鑒此轍。奈何鄉落愚民。罔明藥

性。時採土芎煎茶。謂啜香美體氣稍實。僥倖無

虞。儻涉虛羸。鮮不蒙其禍者。惟歸天命。果真天

作孽耶。抑自作孽耶。

澤州芍藥



芍藥

芍藥味苦酸。氣平微寒。氣薄味厚。可升可降。陰中之

陽。有小毒。近道俱生。淮南獨勝。開花雖顏色五品。

入藥惟赤白二根。山谷花葉單。根重實有力。家園

花葉盛。根輕虛無能。反藜蘆惡。硝斛。芒硝石斛畏硝石

鼈甲小蘄。使烏藥沒藥雷丸。入手太陰肺經。及足

太陰脾臟。赤白因異。製治亦殊。赤芍藥色應南方。

能瀉能散。生用正宜。白芍藥色應西方。能補能收。

酒炒纔妙。若補陰。酒浸。日曝。勿見火。赤利小便去熱。消癰腫。破

積堅。主火盛眼疼。要藥。白和血脈緩中。固腠理。止

瀉痢。為血虛腹痛捷方。已後數條。惟白可用。得甘

草炙為輔佐。兼主治寒熱腹疼。熱加黃芩。寒加肉

桂。與白朮同用補脾。與參芪同用益氣。與川芎同

用瀉肝。凡婦人產後諸病。切忌煎嘗。因其酸寒。恐

伐生發之性故也。儻不得已要用。桂酒肉桂煎酒漬炒

少加。血虛寒人亦禁。莫服。經云。冬月減芍藥。以避

中寒。則可徵矣。

雷公云。凡採得後。於日中曬乾。以竹刀刮上麤皮。并頭土了剉之。將蜜水拌蒸。從巳至未。曬

乾用之

謨按芍藥何入手足太陰也。蓋酸澀者為上。為
 收斂停溼之劑。故爾。雖主手足太陰。終不離於
 收降之體。又至血海。而入九地之下。直抵於足
 厥陰焉。氣味酸收。又何利小便也。蓋腎主大小
 二便。用此益陰滋溼。故小便得通。仲景治傷寒。
 每多用者。抑非以其主寒熱利小便乎。一說芍
 藥本非通利之藥。因其能停諸溼。而益津液。故
 小便自利。於義亦通。又何謂緩中也。蓋損其肝
 者。緩其中。即調血止痛之謂。丹溪云。芍藥惟止
 血虛腹痛。然諸痛竝宜辛散。此僅酸收。故致血
 調。血調則痛自止。豈非謂緩中耶。

耀州黃芩



潞州黃芩



黃芩

黃芩

黃芩味苦氣平大寒。味薄氣厚。可升可降陰也。陰中

微陽無毒。所產尚彭城。屬山東凡用擇深色。剔去內

朽。刮盡外衣。薄片咀成。生炒如式。單惡葱實。勿令

同煎。畏丹砂牡丹藜蘆。用山茱龍骨引使。枯飄者。

名宿芩。入手太陰上膈。酒炒為宜。堅實者。名子芩。

入手陽明下焦。生用最妙。宿芩瀉肺火。消痰利氣。

更除溼熱。不畱積於肌表間。子芩瀉大腸火。養陰

退陽。又滋化源。常充溢於膀胱內。一赤痢。煩併可

止。一赤眼。腫脹能消。得五味蒙蠟。五味子牡育妊

娠。得白朮砂仁安胎孕。療鼠瘦。同者斂赤豆。黃芩

赤小豆治腹疼。同厚朴黃連。又煎小清空膏。載丹單

味而清頭腦。總除諸熱。收盡全功。子研細煎湯。治

腸澀膿血。

雅州黃連



宣州黃連



廣州胡黃連

黃連



黃連味苦氣寒味厚氣薄可升可降沉也陰也陰中

微陽無毒宣連出宣城屬南直隸肥粗苗少去苗收者川連

生川省瘦小苗多帶苗收者並取類鷹瓜連珠不必分

地土優劣日曝待甚乾燥布裏按音落淨鬚苗治諸

火邪依各製炒火在上炒以醇酒火在下炒以童

便實火朴硝虛火醞醋痰火薑汁伏火火伏下焦者鹽

湯氣滯火同吳茱萸血瘕火拌乾漆末食積瀉亦

可服陳壁土向東者妙研炒之硝茱漆土俱研細調水和炒肝膽火

盛欲毆必求豬膽汁炒又治赤眼人乳浸蒸或點

或吞立能劫痛勝烏附烏頭附子畏款冬惡羌菊羌花菊花

玄參忌猪肉冷水為使黃芩龍骨入手少陰心經

巴豆遇之其毒即解可熬膏煎液任合散為丸香

連丸。廣木香和攪。為腹痛下痢要藥。茱連丸。吳茱萸佐助。乃吞吐酸水神方。如止消渴便多。單研蜜

丸亦效。同枳殼。治血痔。同當歸。治眼瘡。佐桂蜜煎

服空心。黃連為君。佐官桂少許。煎百沸。入蜜空心服之。使心腎交於頃刻。

鎮肝涼血。凡治血防風為上。使黃連為中。使地榆為下。使。調胃厚腸。益膽

止驚癇。瀉心除痞滿。去婦人陰戶作腫。愈小兒食

土成疳。消惡瘡惡癰。卻溼熱鬱熱。○又種生羌胡

國土。因以胡黃連為名。乾如楊柳枯枝。折斷一線

煙出。氣平寒。味尤苦甚。心內黑。皮略淡黃。惡玄參

菊花亦解巴豆。忌猪肉悞食。令人洩精。療勞熱骨

蒸。治傷寒欬嗽。溫瘧多熱即解。久痢成疝。竟除。補

肝膽。劫目痛尤靈。理腰腎。斂陰汗最捷。小兒盜汗

潮熱。婦人胎蒸虛驚。竝宜用之。不可缺也。

雷公云。凡使以布拭上肉毛。然後用漿水浸二伏時。漉出於柳木火中焙乾用。此服此藥得

十兩。不得食猪肉。苦服至三年。不得食猪肉。一生也。

謨按苦先入心。火必就燥。黃連苦燥。乃入心經。

雖云瀉心。實瀉脾臟。為子能令母實。實則瀉其

子也。但久服之。反從火化。愈覺發熱。不知有寒。

故其功效。惟初病氣實熱。盛者服之最良。而久病氣虛發熱服之。又反助其火也。

和州桔梗



潤州薺菜



桔梗

桔梗味辛苦。氣微溫。味厚氣輕。陽中陰也。有小毒。嵩

山前注雖盛。近道亦多。交秋分後採根。啞味苦者入

藥。蘆苗去淨。泔漬用米泔水焙乾。入手足肺膽二

經。畏白及龍膽龍眼。開胸膈。利肺經。除壅塞之氣

於上焦。清頭目。解諸風。散寒冷之邪於肌表。毆脇

下刺疼。通鼻中窒塞。咽喉腫痛。施治如神。中惡蠱

毒。功能入聖。逐肺熱。療欬嗽而下痰涎。治肺癰。排

腐膿而養新血。仍消恚怒。尤却怔忡。又與國老草

之別竝行。同為舟楫之劑。載諸藥。不致下墜。引將

軍大黃之可使上升。解利小兒驚癇。開提男子血

氣。○又有一種名曰薺茺其味甘而氣寒。採於春

秋二仲。在處山谷生。苗與桔梗似。根甚甘美。可亂

人參。土人取蒸壓匾。以充人參賣者。卽此是也。善

解諸毒。別無所能。蛇蟲毒搗敷。藥石毒生服。以毒

藥與之共處。其毒氣自旋消無。野猪被毒箭中傷。

亦每食此物得出。

雷公云 凡使勿用木梗。真似桔梗。咬之只是腥澀。

畔附枝子。於槐砧上。細剉用百合水浸一伏時。

漉出。緩火熬令乾用。每修事四兩。用生百合五分搗作膏。投水中浸。

衡州桔樓





均州桔樓



桔樓根

一名天花粉。內有花紋。天然而成。故名之。



桔樓

栝樓實

栝樓實味苦甘。氣寒。味厚氣薄。屬土有水。陰也。無毒。

春生山野僻處。苗係藤蔓引長。葉作叉有毛。似甜瓜葉

花淺黃六瓣。似葫蘆花實結拳大。青漸赤黃。皮黃蒂小。

正圓者名栝。皮赤蒂粗銳長者名樓。名傳雖異。證

治相同。霜降採收。罔圖搗爛。或煨蛤蜊粉和。擇紫口者

煨研栝樓一斤。蛤粉半斤。或研明礬末攙。栝樓一斤。明礬四兩。各以新瓦

貯盛。置於風日處。所待甚乾燥。復研細霜。明礬者。

號如聖丹。用薑汁打糊丸。就生薑湯吞下。出何良碧方。蛤蜊者。

勝真海粉。可多備。聽用一年。出諸證辨疑方。竝主欬喘痰

哮。服下神效。立獲。取子重紙包裹。磚壓溲之。剝殼。用仁滲油。

只一度。免人惡心。毋多次。失藥潤性。畏牛膝乾漆。

及附子烏頭。惡乾薑。使枸杞味甘。補肺捷。性潤下

氣佳。令垢滌鬱。開故傷寒。結胸必用。俾火彌痰降。


凡虛怯勞嗽。當求。解消渴生津。悅皮膚去皺。下乳

汁。炒香酒調末服。取仁炒香熟為末。酒調一七。覆面臥少時。止諸血。竝

炒入藥煎湯。一切血證竝治。莖葉搗汁濃煎。中暍音渴傷暑

服效。○又天花粉。即栝樓根。挖深土者曝乾。刮龜

母貝州峽 母貝



母貝州晉



實母貝 睛龍丹

圓無
辦者
勿用



皮淨咀片。善潤心中枯渴。大降膈上熱痰。腫毒排膿。潰瘍長肉。消撲損瘀血。除時疾熱狂。毆酒疸去身面黃。通月水。止小便利。仍治偏疝。酒浸微煎。如法服之。住痛如劫。
先以綿袋包煖陰囊。取天花粉五錢。以醇酒一椀。早晨漬至下午。微煎滾。于天空下露過一宿。次早低撓坐。定。雙手按膝。飲下即愈。如未效再服一劑。
 調粥日食亦潤枯燥補虛。
 造粉

雷公云 恬樓凡使皮子莖根效各別。其恬并樓樣全別。若恬自圓黃皮厚蒂小。若樓唯形長赤皮蒂粗。是陰人服。若修事。去上殼皮革膜并油了。使根待構二三圍。去皮細搗。作煎攪取汁。冷飲。任用也。

貝母

貝母味辛。苦。氣平。微寒。無毒。荆襄多生。苗莖青色。葉

如大麥葉。花類鼓子花。近冬採根。曝乾聽用。有辨

如聚貝子。故人以貝母名。黃白輕鬆者為良。油黑

重硬者勿用。去心咀片。入肺行經。消膈上稠痰。久

欬嗽者立效。散心中逆氣。多愁鬱者殊功。仲景治

寒實結胸。製小陷胸湯。以栝樓子黃連輔斯作主。

因味辛散苦瀉。故能下氣。今方收用半夏。悞也。海藏療產後無乳立三母

散用牡蠣知母。尊此為君。煮猪蹄湯調服。足生人面惡瘡。

燒灰油敷收口。產難胞衣不出。研末酒服離懷。時

疾黃疸能散。赤眼膚翳堪點。除疝瘕喉痺。止消渴

熱煩。又丹龍睛係獨顆。辨無分拆。儻悞煎服。令徧

身筋不收持。藍汁黃精。合飲即解。

雷公云 凡使先于柳木炭中炮令黃。擘破去內口

鼻上有米許大者。心一小顆。後拌糯米子

鑊上同炒。待米黃熟。然後去米取出。其中有獨

顆團。不作兩片無皺者。號曰丹龍睛。不入藥用。

若悞服。令人筋脉永不收用。黃精小藍汁。合服立愈。謨按世俗多以半夏有毒棄而不用。每取貝母代之。殊不知貝母乃太陰肺經之藥。半夏乃太

陰脾經。陽明胃經之藥。何得而相待耶。且夫欬嗽吐痰。虛勞吐血咯血。痰帶血絲血屑。咽痛喉閉。肺癰肺痿。婦人乳難癰疽。及諸氣鬱等證。此皆貝母爲向導也。半夏乃爲禁用。若涎者。脾之液也。美味膏梁。炙煨大料。皆生脾胃溼熱。故涎化稠粘爲痰。久則生火。痰火上攻。故令昏懵。不省人事。口噤偏廢。僵仆蹇澀不語。生死旦夕。自非半夏。南星。曷可治乎。若以貝母代之。則束手待斃矣。

晉州款冬葑



款冬葑

款冬葑味辛甘。氣溫陽也。無毒。生常山。

縣名屬浙江山谷。

及上黨。

注

水傍。葉大成叢。似葵花。出根下如菊。百

草之中。惟此不顧冰雪。最先春者也。原呼鑽凍。今

名款冬擇未舒嫩莖採收。去向外裹花零殼甘草湯浸一宿待乾揉碎纔煎。惡硝石皂莢玄參畏麻黃辛夷貝母仍畏四味。芩連耆菴黃芩黃連黃耆青菴子使杏仁宜紫苑治肺癰膿血腥臭止肺欬痰唾稠粘潤肺瀉火邪下氣定喘促卻心虛驚悸去邪熱驚癘補羸劣以除煩洗肝邪而明目能毆久嗽奇方。燒煙吸之爲妙。

雷公云

凡採得須去向裏裹花莖殼并向裏實如粟零殼者并枝葉用以甘草水浸一宿却取款冬花葉相拌裹一夜臨用時卽乾晒去兩件拌著葉了用。

解州紫苑



紫苑

紫苑味苦辛氣溫無毒近道多生真定

郡名屬北直隸

獨勝

根甚柔細春初採收水洗淨去頭蜜浸宿焙用忌雷丸遠志惡瞿麥天雄畏茵陳蒿使款冬莖主欬

逆痰喘肺痿吐膿治小兒驚癇寒熱結氣虛勞不

足能補蠱毒痿歷堪毆仍佐百部款冬研末薑梅

湯下共治久嗽立建神功款冬葢各一兩百部五錢為末每服三錢生薑

烏梅湯送下食後及臨臥時各一服○女苑氣味同漢中郡名屬陝西川

谷產一名白苑惟畏鹵鹹紫苑闕時用此可代亦

主驚癇寒熱氣喘又止霍亂瀉痢腸鳴除肺傷欬

勤去膀胱支滿

雷公云凡使先去髭有白如練色者號曰羊鬚草自然不同採得後去頭土了用東流水淘

洗令淨用蜜浸一宿至明於火上焙乾凡修一兩用蜜二分

信州馬兜鈴



滁洲馬兜鈴



馬兜鈴

馬兜鈴味苦氣寒陰中之陽無毒山谷俱有野坂尤

多藤蔓繞樹而生結實如鈴五瓣去革膜取向裏

匾子入藥劑微炒燥為良燒煙熏痔瘻墮瘡煎湯


劫痰結喘促。去肺熱止欬。清肺氣補虛。○根名青木香亦為散氣藥。

雷公云 凡使採得後去葉并蔓了。用生絹袋盛於東屋角畔懸令乾了。劈作片。取向裏子。去華膜。並令淨。用子并皮。勿令去華膜不盡用之。

滁 州 青 木 香



廣 州 木 香



木香

木香味甘苦。氣溫。味厚於氣降也。陰中陽也。無毒。出自外番。來從閩廣。形如枯骨。苦口粘牙。凡欲用之。勿見火日。合丸散。日際熏乾。煎熟湯。臨服投末。氣劣氣不足。能補氣。脹氣窒塞。能通。和胃氣如神。行肝氣最捷。散滯氣於肺上膈。破結氣於中下焦。破氣九種心疼。逐積年冷氣藥之佐使。亦各不同。破氣使檳榔。和胃佐薑橘。止霍亂吐瀉。嘔逆反胃。除痞癖癥塊。臍腹脹疼。安胎健脾。誅癰散毒。和黃連。治

暴痢用火煨實大腸辟瘟疫邪禦霧露瘴易老云
總謂調氣之劑不宜久久服之

雷公云凡使其香是蘆蔓根條左盤旋採得二十
九日方硬如朽骨硬碎其有蘆頭丁蓋子
色青者是
木香神也

謨按王海藏謂本經云主氣劣氣不足藥性論

謂安胎健脾是皆補也衍義謂瀉胸腹窒塞積

年冷氣日華子謂除痞癥癥塊是皆破也易老

總謂調氣之劑不言補不言破諸說不同何耶

恐與補藥為佐則補與瀉藥為佐則瀉故云然

也


大茴香



小茴香



懷香子



廣州蒔蘿



茴香

大茴香即檉香子味辛。氣平。無毒。鄉落多生。秋月方採。殼

有八角。子赤藏中。嚼甚香甜。鹽酒炒用。入心腎二

臟及小腸膀胱。主腎勞疝氣。小腸吊氣。攣疼。理乾

溼脚氣。膀胱冷氣腫痛。開胃止嘔。下食調饌。辟臭

生香。為諸痲霍亂捷方。補命門不足。要藥療惡腫

癰毒。搗根葉汁吞。○又小茴香家園栽種。類蛇床

子。色褐輕虛。亦治疝散疼。每同煎取效。飲饌大料。

增入尤奇。○別種蒔蘿出自閩廣。顆粒似蔓椒。開

口俗呼蒔蘿椒。內有黑子。伊皮薄。色褐不紅。氣味比茴香更辛。散氣

除脇肋膨。調饌殺魚肉毒。消食開胃。溫中健脾。

草莎州澧



莎草根

莎草根即香附子味苦甘。氣微寒。氣厚於味。陽中陰也。無

毒。近道郊野俱生。高州屬廣東出者獨勝。狀如棗核

周匝有毛。秋取曝乾。忌犯鐵器。預春熟。童便浸透

復搗碎。瓦器熬成。若理氣疼。醋炒尤妙。乃血中氣

藥。凡諸血氣方中。所必用者也。快氣開鬱。逐瘀調

經。除皮膚瘙癢外邪。止霍亂吐逆內證。炒黑色。禁

崩漏下血。調醋末。敷乳腫成癰。宿食可消。洩瀉能

固。毆熱長毛髮。益氣充皮膚。久服利人。疎利之利亦當

解悟。又引血藥至氣分而生血。故因而稱曰婦人

要藥也。

雷公云凡採得後陰乾於石臼中搗勿令犯鐵用之切忌爾

謨按本經諸方。用逐瘀血調經。是下氣而推陳

也。用治崩漏不止。是益氣而止血也。又云。引血

藥至氣分而生血。是又能補。何如言相背矣。用

相矛盾耶。雖然。是亦陰生陽長之義爾。但本經

未嘗言補。惟下老湯用之。言於老人有益。意有

存焉。蓋於行中兼有補。補中兼有行。正如天之

所以為天者。健而有常也。健運不息。所以生生

無窮。即此理也。

雷州益智子

益智子



益智子味辛。氣溫無毒。嶺南州郡。歲歲有生。去殼取仁。碎研入藥。主君相二火。入脾肺腎經。在四君子則入脾。在集香丸則入肺。在鳳髓膏則入腎。三經而互用者。蓋有子母相關意焉。和中氣及脾胃寒邪。禁遺精。併小便遺溺。止嘔噦而攝涎唾。調諸氣以安三焦。更治夜多小便。入鹽煎服立效。

新州縮砂蜜

縮砂蜜



縮砂蜜味辛苦。氣溫無毒。產波斯國中。及嶺南山澤。

苗高三四尺許。類高良薑苗莖葉有八九寸長。闊半寸許開花

近根嬌繞結實成穗連綴。皮緊厚多皺。色微赤黃。

子八漏一團粒如黍米。故名縮砂蜜也。秋採陰乾。

精製如式。先和皮慢火炒熟。纔去殼取仁。研煎與

益智子人參為使入脾。與白檀香豆蔻為使入肺。

黃檗茯苓為使入膀胱腎。赤白石脂為使入大小


腸。除霍亂。止惡心。卻腹痛安胎。溫脾胃下氣。治虛

勞冷瀉。併宿食不消。止赤白洩痢。及休息痢。證總

因通行結滯。服之悉應如神。起酒味甚香。調食饌

亦妙。

草菓仁



草菓仁

草菓味辛。氣溫升也。陽也。無毒。惟生閩廣。八月採收。

內子大粒成團。外殼緊厚黑皺。凡資入劑。取子剉成。氣每熏人。因最辛烈。夏月造生魚鱠。亦多用此釀成。故食饌大料方中。必仗以爲君也。消宿食。立除脹滿。去邪氣。且卻冷疼。同縮砂。溫中焦。佐常山。截疫癘。辟山嵐瘴氣。止霍亂惡心。

謨按草菓。本經原未載名。今考方書。補其遺闕。但性味辛烈過甚。凡合諸藥同煎。氣獨熏鼻。則可知矣。雖專消導。大耗元陽。老弱虛羸。切宜戒也。

廣州肉豆蔻



肉豆蔻

肉豆蔻味苦辛。氣溫無毒。胡國多生。嶺南亦產。一名

肉菓。形類彈丸。油色肥實佳。麪包煨熟用。所入經絡。惟手陽明。療心腹脹疼。卒成霍亂者。可止。理脾

胃虛冷。不消宿食者能溫。男婦傷暑血痢有功。小兒傷乳吐瀉立效。痢疾助之。白粥飲吐瀉佐以生薑湯。

雷公云 凡使須以糯米作粉。使熱湯搜裏豆蔻子。糖灰中炒。待米團子焦黃熟。然後出去米。

其中含有子取用。勿令犯銅。

白豆蔻



白豆蔻

白豆蔻味辛。氣大溫。味薄氣厚。陽也。無毒。原出外番。今生兩廣。苗類芭蕉。最長。葉如杜若。不開。花淺黃。結子作朶。生青熟白。七月採收。入手太陰肺經。別有清高之氣。散胸中冷滯。益膈上元陽。溫脾土。卻疼。退目雲。去障。止翻胃嘔。消食積膨。

草豆蔻



白豆蔻 草豆蔻

草豆蔻

草豆蔻味辛。氣溫。陽也。無毒。交趾國名多生。嶺南亦有。

苗類杜若。梗根似高良薑。花作穗。嫩葉卷之而生。

葉漸舒。花漸出。如芙蓉。淡紅。實結苞。至秋成殼而

熟。秋方老。殼方黃。似龍眼。微銳。外皮有稜。如梔子稜無

鱗甲。中子連綴。亦似白豆蔻多粒甚辛香。應時採收。曝乾

收貯。入劑。剝殼取子。行經。惟胃與脾。去膈下寒。止

霍亂吐逆。噉臍上痛。逐客忤邪傷。酒毒尤消。口臭

即解。

謨按草豆蔻。用治中脘冷疼。鮮有得其真者。市

家多以草仁假代。安獲奇功。考究圖經。著明形

色。俾後醫士。過目即知。匪但可取效病人。抑亦

不致欺于賣者也。

蒙州藿香



藿香

藿香味辛甘。氣微温。味薄氣厚。可升可降。陽也。無毒。
嶺南郡州。人多種蒔。七月收採。氣甚芬香。市家多
攙綿花葉茄葉假充。不可不細擇。爾揀去枝梗入
劑。專治脾肺二經。加烏藥順氣散中。奏功于肺。加
黃耆四君子湯內。取效在脾。入傷寒方。名正氣散。
理霍亂。俾嘔吐止。開胃口。令飲食增。禁口臭難聞。
消風水延腫。以馨香之正氣。能辟諸邪。以性味之
辛温。通療諸嘔。

儋州高良薑



雷州高良薑



高良薑

高良薑味辛苦。氣大温。純陽無毒。高良係廣屬郡。今
誌改名高州薑。乃地土所生。形多細小而緊。健脾
消食。下氣温中。除胃間冷逆衝心。卻霍亂轉筋瀉

痢翻胃嘔食可止腹痛積冷堪毆。○結實秋收名紅豆蔻。善解酒毒。餘治同前。

胡

椒



胡椒

胡椒味辛。氣大溫。屬火。有金無毒。來從南廣。出自西

戎。蔓生。苗莖軟柔。長僅寸半。延發枝條細嫩。與葉相齊。子結條中。兩兩相對。其葉長開幕合。合則將子裹藏。陰氣不沾。故甚辛熱。狀如鼠李。六月採收。番人呼爲昧履支。中國稱曰胡椒子。殺一切魚肉。鼈輩之毒。調諸般食饌。湯飲之。靈。下氣去風痰。溫中止霍亂腸胃冷痢可卻。心腹冷痛。堪除療產後血氣刺疼。治跌撲血滯腫痛。食勿過劑。損肺傷脾。○又葦澄茄柄粗蒂圓。係嫩胡椒青時摘取。一云向陽生者爲胡椒。向陰生者爲澄茄。化穀食理逆。


氣多效。消痰癖。止嘔噎。殊功。染鬚髮香身。逐鬼氣。

除脹。傷寒欬噫。亦每用之。○山胡椒所在俱生。顏

色烏。顆粒略大。止痛破滯。俗用亦靈。

雷公云凡使採得後去柄及皺皮了用酒浸蒸從巳至酉出細杵任用也

齊州防風



河中府石防風



防風

防風味甘辛。氣溫。升也。陽也。無毒。種生沙苑。屬河南

類蜀葵。秋後採收。曝乾入藥。殺烏頭大毒。惡藜斂。

芫薑藜蘆白斂芫花乾薑擇堅實。脂潤為良。去蘆頭。釵股不

用。係太陽本經之藥。又通行脾胃二經。職居卒伍。

卑賤之流。聽命即行。隨引竟至。盡治一身之痛。而

為風藥中之潤劑也。治風通用。散溼亦宜。身去身

半已上風邪。稍去身半已下風疾。收滯氣。面頰尤

瀉肺實有餘。眩暈頭顱。更開目盲無見。故云除

上焦風邪要藥。儻或誤服。反寫人上焦元氣。為害
豈淺淺哉。花止痛骨節間。亦治風取效。子消穀胃
院內。又調食馨香。葉收採煎湯。主風熱汗出。

興化軍防巴

防巴



黔州防巴



防巴味辛苦氣平寒陰也無毒多生漢中府屬陝西通

行十二經畏草薺殺毒雄黃惡細辛宜使殷孽狀

與木通近似氣吹亦貫兩頭賣家因難得真多採

似者假代殊不知氣味大異無益有傷凡見極疴

甚宜細審種因根苗各治名分漢木兩呼漢防巴

是根破之紋作車輻解黃實馨香木防巴是苗皮

皺上有丁足子青白虛軟宗此辨認庶不差訛竝

刮盡粗皮纔咀成薄片漢者主水氣名載君行音杭

不者理風邪職僉使列故去腰已下至足溼熱腫

痛脚氣及利大小二便退膀胱積熱消癰散腫非
用漢者不能成功若療肺氣喘嗽膈間支滿併除
中風攣急風寒溼瘧熱邪此又全仗木者以取效
也

雷公云

凡使勿使木條以其木條已黃腥皮皺上
有丁足子不堪用夫使防已要心花文黃
色者然細剉車前草根相對同蒸
半日後出晒車前草去之細剉用

謨按東垣云防已性苦寒純陰能瀉血中溼熱
通血中滯塞補陰泄陽助秋冬瀉春夏之藥也

擬諸于人則險而健者類之夫險健者每每幸

災樂禍遇有風塵之警必竟借爲亂階然而見

善亦喜見惡亦怒如善用之可使禦敵兇暴之

人衝突險固之地亦不爲無益者也故凡瞑眩

之藥聖人安得因之而使廢耶亦必存之以待

善用今夫防已聞其臭則可惡下咽則令身心

煩亂飲食減少藥之瞑眩誠爲捭屈至于通行

十二經以去溼熱壅塞腫疼及治下注脚氣除

膀胱積熱而庇其基則非此不可誠爲行經之

僊藥也然雖藥力之能亦在人善用而不錯爾

復有不可用者數端。今悉舉陳使知警省。如飲食勞倦。陰虛內熱。元氣穀氣已虧之病。而以防已瀉去大便。則重亡其血。此不可用。一也。如人大渴引飲。是熱在下焦。氣分宜滲瀉之。其防已乃下焦血藥。此不可用。二也。如外感風寒。邪傳肺經。氣分溼熱。而小便黃赤。甚至不通。此上焦氣病。禁用血藥。此不可用。三也。若人久病。津液不行。上焦虛渴。宜補以人參。葛根之甘溫。僅用苦寒之劑。則促危亡。此不可用。四也。仍不止如此。但上焦溼熱者。皆不可用。若係下焦溼熱。流入十二經。以致二陰不通。必須審用可也。學者宜併覽之。

紫

蘇



紫蘇

紫蘇味辛。氣微溫。無毒。各園圃俱載。葉背面皆紫。氣

味香竄者甚美。五月端午日採乾，發表解肌，療傷風寒，甚捷。開胃下食，治作脹滿，易差。脚氣兼除。口臭亦辟。梗下諸氣，略緩體稍虛者，用宜。子研，毆痰降氣，定喘，潤心肺，止欬逆，消五膈，破癥堅，利大小二便，卻霍亂嘔吐。

荆

芥



荆芥

一名假蘇

荆芥味辛苦，氣溫，氣味俱薄，浮而升，陽也。無毒。山谷在處皆生，遠近鄉村皆有。因有紫蘇香氣，故又名曰假蘇。每於夏末採收，陰處風乾待用。須取花實成穗，能清頭目，上行發表，間之汗解，利諸邪，通血脉，諸經傳送五臟，下瘀蓄之血，除溼痺，為災破結，聚于皮膚，散瘡痍于肢體，搗和醎醋敷風腫疔瘡。研細酒調理，中風強直，仍治產後血暈，杵末攪入童便。

澤州白芷

白芷

白芷味辛氣溫氣味俱二升也陽也無毒所在俱生

吳地尤甚氣甚香竄又名芳香根收處暑蛙無

收則色選黃澤效速惡旋復使當歸通行手足陽

明二經又為手太陰經之引使也乃本經頭痛中

風寒熱解利之要藥亦女人漏下赤白血閉陰腫

之僊丹宜炒黑用作面脂去面癍散目癢止目淚去肺

經風寒治風通用療心腹血痛止痛多宜外散乳

癰背疽內托腸風痔瘻排膿消毒長肉生肌一切

瘡瘍竝用調治與細辛辛夷作料治久患鼻塞如


神○葉名蒿麻道家常採煎湯浴體能殺尸蟲

雷公云凡採得後勿用四條作一處生者此名喪公藤兼勿用馬蘭竝不入藥中採得後刮



削上皮細剉用黃精亦細剉以竹刀切二味等分兩度蒸一伏時後出于日中晒乾去黃精用



信州細辛



華州細辛 岢嵐軍細辛



細辛

細辛味大辛。氣溫。氣厚於味。升也。陽也。無毒。山澤多

產華陰縣名屬陝西獨良。葉類馬蹄。形如麥藁。其根甚

細。其味甚辛。藥中惟採根煎。故因名曰細辛也。賣

者多以杜蘅假代。殊不知氣雖小異。入口吐人。不

可不細擇耳。反藜蘆。忌生菜。畏滑石硝石。惡狼茱

狼毒山茱萸黃耆。雖手少陰引經。乃足少陰本藥。或用

獨活為使。或佐曾青棗根。止本經頭痛如神。治諸

風溼痺立效。安五臟。尤益肝膽。溫陰經。旋去內寒。

利竅通精。清痰下氣。得歸芍牡本芎芷甘草。當歸芍藥

牡丹皮。藁本。川芎。白芷。甘草。療婦人血閉神方。得決明魚膽羊


肝。石決明。青魚膽。青羊肝。止風淚日疼。劫劑寒邪發在裏之

表。合麻附三味煎湯。麻黃附子細辛湯。載仲景方。口臭及蠶齒


腫疼。煮濃汁熱含冷吐。過半錢單服。令氣塞命傾。

雷公云。凡使一一揀去雙葉服之害人須去下。用田瓜水浸一宿至明漉出曝乾用之。

黃麻州茂



黃麻州同



麻黃

麻黃味甘辛。氣溫。氣味俱薄。輕清而浮。升也。陽也。無

毒。青州彭城。並屬山東。俱生。滎陽中牟。並屬河南。獨勝。惡細

辛石韋。宜陳久年深。凡欲用之。須依法製。去根節。

單煮數沸。傾上洑。用火焙乾。任合丸散煎湯。方不

令人煩悶。以厚朴為使。入手足四經。手太陰經本

經之藥。陽明經榮衛之藥。而又入足太陽經。手少

陰經也。發汗解表。治冬月正傷寒如神。毆風散邪。

理春初真溫疫果勝。泄衛實。消黑斑赤疹。去榮寒。

治身熱頭疼春末溫瘧勿加夏秋寒疫切禁因時
已變溫熱難抵劑之輕揚仍破積聚癥堅更劫欬
逆痿痺山嵐瘴氣亦可禦之若蜜炒煎湯主小兒
瘡疱患者多服恐致亡陽止汗固虛根節最妙

雷公云

凡使去節并沫若不盡服之令人悶用夾
刀剪去節并頭槐帖上用銅刀細剉煎三
四十沸竹片掠去上
沫盡漉出熬乾用之

謨按東垣云麻黃治衛實桂枝治衛虛雖俱治
太陽之經其實榮衛藥也肺主衛心主榮麻黃
為手太陰之劑桂枝為手少陰之劑故冬月傷
寒傷風欬嗽者用麻黃桂枝即湯液之源也然
麻黃又為在地之陰陰當下行何謂發汗而升
上經云味之薄者陰中之陽麻黃屬陰氣味何
薄薄則陰中有陽可知矣安得不為輕揚之劑
升上而發汗乎但入手太陰經終亦不能離乎
陰之本體也

成州葛根



海州葛根




葛根

葛根味甘氣平寒氣味俱薄體輕上行浮而微降陽中陰也無毒各山谷俱生成藤蔓漸長春初發葉秋後採根入土深者力洪去皮用之效速殺野葛巴豆百毒入胃足陽明行經療傷寒發表解肌治肺虛生津止渴解酒毒卒中卻溫瘧往來散外瘡疹止疼提中胃氣除熱花消酒不醉殼治痢實腸生根汁乃大寒專理天行時病止熱毒叶衄去熱燥渴消婦人熱悶能甦小兒熱痞堪卻葛粉甘冷醉後宜餐除煩熱利大小便壓丹石解鳩鳥毒葉敷金瘡搗爛蔓祛喉痺燒灰

石州威靈仙



寧化軍威靈仙



威靈仙

威靈仙味苦氣溫可升可降陰中陽也無毒隨處平

澤俱有不聞水聲者良先于衆草而生。莖方數葉相對花開色淺而碧。根密歲久愈繁。冬月採根陰乾。日選丙丁戊巳。去蘆頭而用酒洗。忌茶茗及夫麩湯。消膈中久積痰涎。神功頓奏。除腹內疝癖氣塊。奇效堪誇。散瓜甲皮膚風中癢痛。利腰臍膝脘溼滲冷疼。蓋性好走。能通行十二經。爲諸風溼冷痛要藥也。仍毆癥瘕結塊。尤療肢體折傷。虛者切禁用之。多服疏人真氣。圖經載有一人。病足十年不愈。路遇番僧。用之治療。霍然而起。奇效無前。

秦州秦艸



齊州秦艸



秦艸

秦艸味苦辛。氣平。微溫。可升可降。陰中陽也。無毒。出甘松龍洞及河陝諸州。長大黃白色爲優。新好羅紋者尤妙。用菖蒲爲使。入大腸手經。養血榮筋。除

風痺肢節俱痛。通便利水。散黃疸。遍體如金。誅頭風。解酒毒。止腸風。下血去骨蒸。傳尸。

雷公云

凡使秦艽。須于脚文處認取。左文列為秦。即治疾。尤即發脚氣。凡用秦。先以布拭上黃肉毛盡。然後用。還元湯浸一宿。至明出。日乾用。

并州藁本



威勝軍藁本



藁本

藁本味辛苦。氣溫。氣厚。味薄。升也。陽也。無毒。多產河

東。亦生杭郡。春採根。曝三十日。成。因其根上苗下。

狀同禾藁。故以為名。惡藺茹。畏青箱。氣力壯雄。風

溼通用。止頭痛。巔頂上散寒邪。巨陽經。得白芷作

面脂。同木香。辟霧露。○實名曰鬼卿。主風入四體。

龍腦薄荷



薄荷

薄荷味辛苦。氣溫。氣味俱薄。浮而升。陽也。無毒。又名

雞蘇。各處俱種。姑蘇龍腦者第一。

龍腦地名在蘇州府儒學前此

處種者氣甚香窳因而得名古方有龍腦雞蘇丸即此是也

五月端午日採乾

與薤作菹相宜。和蜜炒餞益妙。入手厥陰包絡及

手太陰肺經。下氣令脹滿消彌發汗俾關節通利

清六陽會首。毆諸熱生風。退骨蒸解勞乏。善引藥

入榮衛。乃因性喜上升。小兒風涎尤為要藥。新病

瘥者忌服。恐致虛汗亡陽。猶誤食之。即時昏醉。蓋

亦物相感耳。

香

薹



香薹

香薹味辛。氣微溫。無毒。三伏堪為菜蔬。兩京亦每栽

種。入藥拯病。隨處可收。大葉者種優。陳年者效捷。

主霍亂中脘絞痛。治傷暑小便澀難。散水腫。有徹

上徹下之功。肺得之。清化行熱自下也。去口臭。有撥濁回清之妙。脾得之。鬱火降。氣不上焉。解熱除煩。調中溫胃。○又有一種。名石香薷。延生臨水附崖。葉細辛香彌甚。今多採此。拯治極佳。

滁 州 菱 蕤



舒 州 女 菱



菱 蕤 女 菱

菱蕤。女菱味甘。氣平無毒。泰山山谷多生。滁州舒州俱有。葉長而狹。表白裏青。莖幹黃精相同。強直似竹。有節。故一名玉竹。又名地節。咸取象也。根大如指。一二尺長。色黃多鬚。甘美可啖。開青花。春末結圓實。夏初入劑。採根竹刀刮淨。蜜水浸宿。文火烘乾。勿誤取鈎吻黃精。二物俱似菱蕤。但菱蕤節有毛。莖斑葉尖處有小黃點。爲異。須仔細辨認真假。攷古方多用。畏鹵鹹。勿加。益氣補中。潤肺除熱。主心腹結氣。虛熱溼毒。治腰脚冷痛。天行熱狂。止昔爛雙眸。逐風淫四末。澤容顏。

去面黑黥。調氣血。令體康強。○又種女萎。辛溫氣味。與萎蕤全別。似白斂。蔓生。開白花。結細子。在荆襄。每名曰蔓地楚。今人常謬以爲白頭翁。採得陰乾。去頭上白蕊。剉成細片。拌豆淋酒蒸。從巳至申。方取曝用。主霍亂腸鳴洩痢。灑浙風寒。理遊氣上。下無常。癩癩寒熱。消食。噉積。出汗散邪。

雷公云

凡使勿用鈎吻并黃精。其二物相似。萎蕤只是不同。有誤疾人。萎蕤節上有毛。莖斑葉尖處有小黃點。採得先用竹刀刮上節皮了洗淨。却以蜜水浸一宿。蒸了焙乾用。

謨按萎蕤本經與女萎同條。考其諸註。有指一

物二名。有謂自是二物。又後女萎與前女萎同名。亦云功用竝同。信非二物。疑乃剝出一條也。但考陳氏所註。謂古方用者。又似差殊。胡洽治時氣洞下。墮下。有女萎丸。治傷寒冷下。結腸丸。亦用女萎。治虛勞。小黃耆酒。云下痢者。加女萎。詳此數方所用。乃後加圈女萎。緣其性溫。主霍亂洩痢故也。又茵芋酒用女萎。主賊風手足枯痺。四肢拘攣。女萎膏。治身體癩斑。剝乃似前與萎蕤同條。女萎。緣其主風淫四末。及去黑黥。澤

容顏故也。藏器亦謂更非二物。是不然。况此女
萎。性平味甘。後條女萎性溫味辛。性味既殊。功
用又別。安得爲一物乎。又續命鼈甲湯。治傷寒
七八日不解。鼈甲湯。治脚弱。並用萎蕤。又萎蕤
飲。主風熱項急痛。四肢骨肉煩熱。萎蕤丸。主風
虛熱。發卽頭痛。乃似前與女萎四條。萎蕤緣其
主虛熱溼毒故也。三者主治既殊。則非一物明
矣。又云。萎蕤一名地節。極以偏精。疑卽青黏。昔
華佗所服漆葉青黏散。是此也。然世無復能辨
者。未敢爲信。姑著之以俟明達折衷爾。

滁 州 菘 耳



菘耳實

菘耳實。味苦甘。氣溫。葉苦辛。微寒。有小毒。本生蜀川。
今發各處。一名蒼耳實。小刺多。羊過卽粘綴毛中。

故又名之曰羊負來也。秋採微炒入藥。最忌猪肉米泔。散疥癬細瘡。遍身瘙癢者立效。毆風溼周痺。四肢攣急者殊功。止頭痛善通頂門。追風毒。任在骨髓。殺疳蟲溼匿。主惡肉死肌。益氣開聰明。強志煖腰膝。亦堪久服。明目輕身。根葉逢端午收藏。辟惡入病家無畏。汁攪小便同飲。去疔腫如神。按安舌下流涎。治目黃好睡。若被犬咬。急服彌佳。痔發肛門煎湯薰妙。

雷公云凡採得去心取黃精用竹刀細切拌之同蒸從巳至亥去黃精取出陰乾用

明州天名精



天名精

天名精味甘辛。氣寒。無毒。各處江湖俱生。平原川澤尤盛。與薄荷同狀。逢夏秋抽條。花開紫白相兼。葉似菘菜而小。本經別款地菘。卽此是也。五月採曝。

一種數名，辛味似薑。有句麥薑之號，香氣如蘭。有蟾蜍蘭之稱，仍謂蝦蟆藍。因藍狀頗類，又呼天蔓菁。爲蔓菁略同。別說載名天門精。爾雅載名茆莛。豕首。昔劉燼曾拔塞剖麋而蹶起。古劉燼射一麋而去草便倒如此三度後世復相傳云活鹿草。亦曰劉草。名之疊出。如許之多。苟弗考詳。寧無疑惑。單用垣衣爲使專療傷折金瘡。拔腫毒惡疔。下瘀血血痕。利小便以逐積水。除結熱而止渴煩。追小蟲去溼痺。亦堪久服。耐老輕身。

謨按一種數名者甚多。各名有因者誠少。此名疊出。咸載所因。但既稱活麋之功。當亦著濟人之效。歷攷古傳方劑。竝無用之。各省明醫。絕無識者有用之藥。不得濟用。當時徒列多名。正所謂雖多亦奚以爲也。

襄州防葵



防葵

防葵味甘辛苦。氣寒無毒。一云有小毒。不生他郡。惟

產襄陽

屬湖廣

一本三莖。一莖三葉。中抽大幹。花開

幹端。色白如葱。幹開花。

葉類葵。葉色青。根若防風。香竄。故

名防葵也。三月三日採根曝乾。

最易蛀損。須時曝之。

依時入

水能浮。切勿悞用狼毒。

二根形頗相類。但防葵根浮水。狼毒根沉水。略少異

耳。善惡大差。用宜謹慎。

藥劑脩合。製法須知。甘草湯浸成塊

一宵。黃精汁拌咀片炒燥。主膀胱熱結尿溺不通。

治鬼瘧癩癩驚邪狂走。疝瘕腸泄堪理。小腹支滿

厥。強志除腎邪。益氣堅筋骨。血氣痛大如腕。摩

醋塗上即消。中火者不可服之。令恍惚如見鬼狀

雷公云

凡使勿悞用狼毒。緣真似防葵而驗之有異效。又不同功。須審之。恐誤疾人。其防葵

在蔡州沙土中生。採得二十日便用之。唯輕為妙。欲使先須揀去艸末。用甘草湯浸一宿。漉出曝乾。用黃精自然汁一二盞并拌了。土器中炒。令黃精汁盡為度。

蛇床子



蛇床子

蛇床子味苦辛甘，氣平無毒。在處田野俱產。揚州襄

州獨良。春發苗，葉成叢，青碎彷彿蒿狀。開白花，細

綴百餘一窠。四五結黃子，輕虛，粒如黍米。近秋收

採。背日陰乾。所惡之藥有三：牡丹、巴豆、貝母。入藥

取仁炒用。浴湯帶殼生煎。治婦人陰戶腫疼，溫煖

子臟，療男子陰囊溼癢，堅舉尿莖，斂陰汗，卻顛癩

掃瘡瘍，利關節。主腰胯腫痛，祛手足痺頑，大風身

難當。作湯洗，愈產後陰脫不起。絹袋熨收。婦人

無娠，最宜久服。

雷公云：凡使須用濃藍汁，并百部草根自然汁二

相拌蒸，從午至亥，日乾用。此藥只令陽氣盛數，號曰鬼考也。

信陽軍草龍膽



襄州草龍膽



草龍膽

草龍膽

二、七、五

草龍膽味苦澀氣大寒氣味俱輕陰也無毒山野俱有苗高尺餘葉類龍葵略尖根同牛膝甚苦故因名草龍膽也須近冬月方採其根甘草湯浸一宵漉出曝乾待用仗貫衆爲使惡防葵地黃止洩痢去腸中小蟲卻驚癩益肝膽三氣胃中伏熱及時行溫熱能除下焦溼腫併酒疸黃腫堪退療客忤疰氣治癰腫口瘡敵驚癩殺蠱毒酒浸爲柴胡輔佐上行治眼目赤疼努肉必加翳障通用空腹勿服令人溺遺

雷公云

採得後除乾欲使時用銅刀切去鬚上頭了到於甘草湯中浸一宿至明漉出曝乾用勿空腹餌之令人溺不禁

邢州澤瀉



澤瀉

澤瀉味甘酸氣寒氣味俱厚沉而降陰也陰中微陽無毒淮北雖生不堪入藥漢中所出方可拯痾蓋

本草綱目 卷二
因形大而長。尾有兩岐爲異耳。但易蛀朽。須密收藏。製宗雷公。酒浸曝用。畏海蛤文蛤二藥。入太陽少陽足經。君五苓散中。因其功長于行溼。佐入味丸內。引桂附等歸就腎經。去陰汗。大利小便。瀉伏水。微養新水。故經云除溼止渴聖藥。通淋利水仙丹。久服輕身。多服昏目。葉壯水臟。通血脈。行乳汁。催生實。主風痺除溼邪。強陰氣益腎。服久無子。惟面生光。

雷公云

不計多少。細剉。泊浸一宿。漉出。曝乾。任用也。

謨按澤瀉多服雖則昏目。暴服亦能明目。其義何也。蓋味鹹能瀉伏水。則胞中留久陳積之物。由之而去也。瀉伏水去留垢。故明目。小便利。腎氣虛。故昏目。二者不可不知。

瞿麥



瞿麥

瞿麥味苦辛。氣寒。降也。陽中微陰。無毒。主泰山川谷。

今處處有之。結實與麥同形。故因名曰瞿麥。立秋

收採。風際陰乾。惡螻蛄。使藁牡藁草牡丹利小便。君主

可用。決癰腫。佐使堪為去目翳。逐胎。下閉血。出刺。

雷公云凡使只用葢殼不用莖葉若一時使即空心令人氣咽小便不禁凡欲用先須以董

竹瀝浸一伏時漉出晒乾用

典元府通草



通脫木



通草

通草味甘淡。氣平。味薄。降也。陽也。陽中陰也。無毒。產

江淮山谷。如指大藤莖。正月採收。陰乾入藥。因孔

節相貫。吹口氣即通。故此得名。去皮咀片。瀉小腸

火鬱不散。非他藥可倫。利膀胱。水閉不行。與琥珀

相等。消癰疽。作腫。療脾疽。嗜眠。解煩。噦。開耳聾。出

音聲。通鼻塞。行經下乳。催產墮胎。實結如小木瓜。

名曰燕腹。白瓠黑核亦能治翻胃證。除熱三焦。根治項

下癭瘤。多取絞汁頓服。○又種心空有瓠。與燈草

本草蒙筌 卷二
同。乃通脫木立名。憑採碎用。潔白輕虛可愛。女工
裁剪爲花。利水使陰竅通和。退腫令閉癢舒泰。更
治產後下乳如神。

謨按通草通脫木二種。經云行水專利小腸。且
多他證之治。旣爲良藥。當勿傳訛。奈何今世庸
醫。每每以通草認作別條木通。以通脫木反呼
名曰通草。致使市鬻之家。真僞混賣。悞人甚多。
殊不知本草立名。各有意寓。通脫木因瓠中藏。
脫木得之。名竟直述通草藤莖不甚長大。故以
草稱。木通係俗指葡萄藤莖。且大且長。特加木
字。總曰通者。孔竅悉同。行水利腸。固竝建效。其
治他證。若以木通十倍于通草。效驗總不及其
分毫也。齊驅竝駕。安得謂乎。况木通栽多家園。
皮薄堅確。實名葡萄。通草產自山谷。皮厚軟柔。
實名燕腹。通脫木輕虛潔白。皮木脫除。三者內
似外殊。極易分別。名正言順。何得悖違。只緣堅
信耳聞。不復詳攷經意。錯亂顛倒。莫覺其非。醫
悞猶閒。病悞深可憫也。

邢州玄參



江州玄參



玄參

玄參味苦鹹氣微寒無毒春生深谷莖方葉似芝蔴

久如槐柳細長秋取傍根正根勿用初白乾旋紫黑鼻聞微臭

咀片忌銅誤犯餌之噎喉喪目古人深戒吳載醫

通。邢韓氏惡者棗薑菜。黃者大棗。反藜蘆一味可

為君藥惟走腎經強陰益精補腎明目治傷寒身

熱支滿忽忽如不知人療溫瘧寒熱往來灑灑時

常發顛除女人產乳餘疾毆男子骨蒸傳尸逐腸

內血瘕堅癥散頸下痰核癰腫蓋此乃樞機之劑

管領諸氣上下肅清而不致濁治空中氤氳之氣


散無根浮遊之火惟此為最也

雷公云凡採得後須用蒲草重重相隔入甑蒸兩

伏時後出晒乾使用時勿令犯銅餌之後
噎人喉喪人目揀
去蒲草盡了用之

淄州沙參

沙參



沙參味苦甘。氣微寒。無毒。江淮俱多。寬句前註尤妙。叢

生崖壁上。苗高二尺餘。葉類枸杞。有又枒。根若葵根而筋大。近夏花開白色。瓣瓣有白粘膠。圖經嘗云。此為小異。秋後採根曝用。中正白實者佳。反藜

蘆惡防已。乃足厥陰本經藥也。治諸毒。排膿消腫。安五臟。益肺補肝。止疝氣絞疼。散浮風瘙癢。除邪熱。去驚煩。易老用代人參。形實不同。蓋取味之苦甘。瀉中兼補。略相類爾。

隨州丹參



丹參

丹參味苦。氣微寒。無毒。山谷俱有。在處亦多。其莖方
方有稜。長尺餘而青色。其葉節節相對。似薄荷而
有毛。花紅紫。三月盛開。根粗長。冬採為妙。畏寒水。
即寒水石也。反藜蘆。專調經脉平和。善理骨節疼痛。生
新血。去惡血。落死胎。安生胎。破積聚癥堅。止血崩
帶下。脚痺軟能健。眼赤腫可消。散癭贅惡瘡。排膿
生肉。辟精魅鬼祟。養正毆邪。更治腸鳴幽幽。滾下
如走水狀。

青箱子



青箱子

青箱子味苦。氣平。微寒。無毒。園圃俱有。江淮獨多。莖
直似蒿。青紅。葉大如柳。柔軟。花上紅下白。形類雞
冠。即野雞冠花。純白者勝。子黑匾而光。粒同莧實。六月收取。
多治眼科。去肝臟熱毒。上衝青盲翳腫。除心經火

邪暴發。赤障昏花。堅筋骨鎮肝。益腦髓聰耳。**莖葉**

亦妙。春採陰乾。治風熱瘙癢于皮膚。療疥痔蟲匿

于下部。止金瘡去血。塞鼻衄來紅。

雷公云

凡用勿使思。冀子并鼠細子。其二件真似青菘子。只是味不同。其思冀子味阻。煎之

有涎。凡用先燒鐵。曰杵單搗用之。

謨按本經款內載曰子名草決明。意謂功專治

眼。特假別名以美之。非真為決明子也。若以為

然。則原揭諸簡端。何不直書。而但曰青菘子乎。

正猶沙參一名知母。龍眼一名益智。名同而實

異也。且別條所載決明子藥粒狀稍大。主治尤

優。世醫弗明。或偏執一。不免得此失彼。大辜藥

味之能矣。幸而此曰草決明。彼曰決明子。兩名


雖一。上下字差。略別異同。學者當辨。

秦

州

木

賊




木賊

木賊

五

本草蒙筌 卷二
木賊味甘。微苦無毒。苗長尺餘。寸寸有節。產自秦隴諸郡。色青。凌冬不凋。夏將莖收。手掐節淨。憑煎湯液。任合散丸。益肝膽。退日翳。暴生消積塊。止月經。久滴。極易發汗。大能疎邪。得麝香。牛角。鯉。治休息痢。證。得芎歸。餘糧石。治赤白崩中。得桑耳。槐。鶯。療腸風下血。得槐子。枳殼。療痔瘻來紅。

惡實



惡實

惡實

即牛旁子

味辛苦。氣平。無毒。原產鄧州。今生各處。葉

如茵芋。葉長大。實似葡萄。核褐黃。殼類栗稗。小而多刺。鼠過之。則綴惹不落。故又名之曰鼠粘子也。秋後採取。製宜酒蒸。止牙齒蝕疼。散面目浮腫。退風熱。咽喉不利。及腰膝風凝。毆風溼癩癬。盈肌。併瘡瘍毒盛。生吞一粒。即出瘡頭。明日補中。潤肺散氣。

雷公云

凡使採之。淨揀。勿令有雜子。然後用酒拌蒸。待上有薄白霜重。出。却用布拭上。然後

焙乾別搗
如粉用之

薇

銜



薇銜

薇銜味苦。氣平。微寒。無毒。素問名曰麋銜。南人謂之

吳風草也。根莖赤黑。花開淺黃。葉叢生似茺蔚。有

毛。種兩般。分大小各喚。大者名大吳風草。小者名

小吳風草。麋鹿有疾。銜此草。瘥。素問之名。又因此

出。產漢中川谷。及寬甸邯鄲。屬陝西秋採莖葉陰乾。

須得秦皮為使。主風溼溼痺。致歷節痠疼。療吐瀉

驚癇。及鼠瘻癰腫。卻熱除痿。癘逐水。消暴癥。婦人

服之。絕產無子。久久服之。可以輕身明目。吐舌悸

氣顛邪等疾。堪祛。

謨按神農經中。藥之靈者。不計千百。何獨麋銜

矢醴。並著素問。擅名。滑氏讀鈔。亦嘗論及。乃曰

矢醴麋銜治人疾也。豈誠二藥。果有過乎諸藥之能。以致喋喋贊美之如是耶。蓋緣上古之前。俗尚質朴。人所病者。多中實邪。二藥專攻。正與病對。用每輒效。故錄其名。中古以來。咸溺酒色。病之着體。虛損居多。藥宜補調。難行攻擊。由是雞矢滓酒。無復下咽。麋銜之名。絕不聞耳。正孟子所謂彼一時。此一時。故也。不然。利前之藥。豈有不利于後乎。故時移世變。情欲漸深。醫藥之門。竟有差異。

江寧府敗醬



敗醬

敗醬味苦鹹。氣平。微寒。無毒。俗呼苦蕪菜。多生深谷中。入劑用之。夏初收採。因似敗豆醬氣。故以敗醬為名。入足少陰腎經。及手厥陰包絡。除腫癰。敗膿散血。破癰結。催產落胎。去疽痔疥癩。卻毒風痿痺。

鼻洪吐血能止。腹痛凝血可推。

雷公云

凡使收得後。便粗杵入甘草葉相拌對。蒸從巳至未出。焙乾。去甘草葉取用。

州白薇



白薇

白薇味苦鹹。氣平大寒。無毒。近道處處俱生。根類牛

膝短小。二月三日。收採陰乾。惡黃耆大黃乾薑及

乾漆山茱大棗。主中風身熱支滿。忽忽人事不知。

療溫瘧寒熱痠疼。洗洗有時發作。狂惑鬼邪堪卻。

傷中淋露可除。利氣益精。下水滲溼。

雷公云

凡採得後。用糯米泔浸一宿。至明取出。去鬚了。于槐砧上細剉。蒸從巳至申出用。

越州白前



舒州白前



白前

白薇 白前

白前味甘辛氣微溫無毒出江浙蜀川生洲渚砂磧
葉如柳樹葉苗似芫花苗根粗長與牛膝頗同但
堅脆而柔軟鮮有凡資入藥秋後採根甘草湯浸
一宵折去莖鬚焙用欬嗽上氣能降胸脇逆氣堪
毆氣壅膈倒睡不得者殊功氣衝喉呼吸欲絕者
立效仍治氣塞咽嗌時作水雞聲鳴故古人氣嗽
方中每每用之不遺亦以其善主一切氣也又能
保定肺氣溫藥佐使尤奇

雷公云

凡使先用土甘草水浸一宿後漉
出去頭鬚了焙乾任入藥中用

謨按白薇白前近道俱有苗莖根葉形色頗同
儻悞採收殺人頃刻必辨認的實方入藥拯疴
白前似牛膝粗長堅脆易斷白薇似牛膝短小
柔軟能彎仍噬汁味相參庶不失于差悞此醫
家大關鍵匪特一藥爲然凡類相同俱宜細審

江寧府白鮮



滁州白鮮



白鮮

白鮮味苦鹹氣寒無毒山谷俱有苗莖赤餘

嫩可作茹葉

稍白似槐葉尤繁花淡紫

四月開

如蜀葵略小根與

蔓菁彷彿心實皮色白黃二月採根取皮差晚則

虛惡也因艱作羊羶氣息故俗加羊字呼名

俗呼為白

羊鮮惡枯梗蝶蛸及茯苓草薺療徧身黃疸溼痺手

足不能屈伸治一切癩毒風瘡眉髮因而脫落消

女人陰腫或產後餘疼止小兒驚癇并淋瀝效逆

時熱發狂飲水多多煎服尤宜葛洪治鼠瘻有膿

蒸白鮮皮膏吐出立愈李兵部理肺嗽不已製白

鮮皮湯飲下即差

成德軍狗脊



眉州狗脊




狗脊

狗脊味苦甘氣平微溫無毒深谷多生在處俱有根

採類金毛狗脊。故假為名。酒蒸須從巳至申。纔咀入劑。惡敗醬。使單解。治腰背強疼。關機緩急。理脚膝軟弱。筋骨損傷。女子傷中欠調。老人失溺不節。周痺寒溼。竝可醫痊。

雷公云。凡修事。細剉了。酒拌蒸。從巳至申出。晒乾用。

子蘭菴州靈



菴蘭子

菴蘭子味苦。氣微寒。微溫。無毒。苗如蒿艾。處處叢生。冬採陰乾。荆實薏苡為使。江南之地。人家種此辟蛇。消食明目。益氣輕身。主女人經澀不通。扶男子陽痿不舉。消水氣。作脹。散瘀血。成癰。打撲折傷。風寒浮痺。腰膝重痛。骨節痠疼。食之神仙。延年不老。

蒿陳茵州絳



蒿陳茵府寧江



茵陳蒿

茵陳蒿味苦辛。氣平。微寒。陰中微陽無毒。隨處俱產。泰山者良。葉細青蒿雖同。葉背白色却異。秋後葉落。莖不凋。至春復發舊枝。故因名茵陳蒿也。所行經絡。惟足太陽。專治疸證發黃。入劑仗為君主。佐梔子附子。分陽熱陰寒。陽黃熱多。有溼有燥。溼黃加梔子大黃湯。燥黃加梔子橘皮湯。如茵澇則溼黃。苗旱則燥黃。溼則瀉之。燥則潤之。意也。陰黃寒多。只有一證。須加附子。共劑成功。解傷寒大熱。仍除退瘴瘧風熱。悉逐行滯。止痛寬膈。化痰。久服輕身。益氣耐老。

雷公云

凡使須用葉有八角者。採得陰乾。去根細剉用。勿令犯火。

草

蒿



草蒿

草蒿

即青蒿

味苦。氣寒。無毒。山谷川澤。隨處俱生。葉實

根莖竝堪入藥。春夏採用莖葉為宜。入童便熬膏。退骨蒸勞熱。生搗爛絞汁。卻心痛熱黃。瘰癧肉腫癰。燒灰淋濃湯點。洩痢鬼氣。研末調米飲吞。秋冬用之。取根與實。實須炒過。根乃咀成。愈風癢疥癩。止虛煩盜汗。開胃明目。辟邪殺蟲。○白蒿即蓬蒿別名。似青蒿而葉粗。上有白毛錯澀。補中氣。去溼黃。長毛髮殊效。○

邪蒿似青蒿細軟。利腸胃。通血脈。續不足有功。○

牡蒿葉長齊頭。一名齊頭蒿。充皮膚血脈滿盛。○角蒿

花罷作角。主口齒疳。匿惡瘡。○蘆蒿比小薊略殊。

下氣破血。○同蒿與黃菊近似。安心養脾。○又馬

走蒿類芫蔚葉。俗呼虎麻芫蔚。亦理風溼癩瘡。

雷公云。凡使唯中為妙。到膝即仰。到腰即俛。使了勿使葉。使根勿使莖。四件若同使。翻然成

痼疾。採得葉。不論多少。用七箇七歲兒童溺。浸七日七夜。後漉出。晒乾用之。

謨按諺云。三月茵陳。四月蒿。人每誦之。只疑兩

藥一種。因分老嫩而異名也。殊不知葉雖近似。


種却不同。草蒿葉背面俱青。且結花實。茵陳葉

面青背白。花實全無。况遇寒冬。尤大差異。茵陳


莖幹不凋。至春復舊。幹上發葉。因幹陳老。故名。

茵陳草蒿莖幹俱凋。至春再從根下起苗如草重出。乃名草蒿。發舊幹者。三月可採。產新苗者。四月纔成。是指採從先後爲云。非以苗分老嫩爲說也。

澶州茅根



鼎州茅根



茅根

茅根味甘。氣寒無毒。曠野平原無處不產。本爲蓋屋

草。俗呼過山龍。收採洗去衣皮。指斷忌犯鐵器。甘

美可啖。斷穀甚良。下淋利小便。通閉逐瘀血。除客

熱在腸胃。止吐衄。因勞傷解渴。堅筋補中。益氣。苗

破血。且下水腫。花止血。仍晉金瘡。又有茅鍼。一名

茅筍。禁崩漏。塞鼻洪。腫毒未潰。服之一鍼便潰。一


孔。屋茅陳久。酒浸煎濃。吐衄血來。服之即止。爛茅

老屋上及蓋墻者。得醬汁和研。斑瘡蠶咬瘡可敷。屋四角


茅收治鼻洪。尤驗。取茅屋滴溜水飲。殺雲母石毒。

須知。○又種管音堅花甘溫無毒。亦知吐衄。可貼灸瘡。

戎州仙茅



江寧府仙茅



仙茅

仙茅味辛。氣溫。有毒。西域多有。蜀浙亦生。葉青似茅。故此為譽。其根獨莖而直。旁附細根。內肉黃白多。

涎。外皮粗褐。二月八月採根。曝乾。梵語呼阿輪乾。陔南人呼婆羅門蜜。咀禁鐵器。製浸米泔。去赤汁。

毒出無防。忌兩般。牛肉牛乳。主心腹冷氣。不能食。療腰足攣痺。不能行。丈夫虛損勞傷。老人失溺。無

子。益肌膚。明耳目。助陽道。長精神。久久服之。通神。強記。傳云。十斤乳石。不及一斤仙茅。亦表其功力。

爾。誤服中毒。舌脹者。急飲大黃朴硝數杯。仍以未。摻舌間。遂旋愈也。

雷公云

凡採得後。用清水洗。令淨。刮上。皮。于槐砧上。用銅刀切。豆許大。却用生稀布袋盛。于

烏豆水中浸一宿取出用酒溼拌了蒸
從巳至亥取出曝乾勿犯鐵班人鬚鬢

芭蕉花



南恩州甘蕉根



甘蕉根

甘蕉根味甘氣大寒無毒種類不一地產亦殊川蜀

者作花大萼堪觀

卷葉中抽幹作花初生大萼如倒垂菊者

閩廣者結

實極美可噉他處雖有花實俱無近歲都下往往

種之竝係芭蕉莖葉頗同實非共一種也此指有

子者為是須待立秋後採根絞汁服主天行狂熱

悶煩悞服金石燥渴產後脹悶奇效悉臻搗爛敷

去小兒赤遊丹毒大人發背癰疽風癩頭瘡神功

立應蕉油在于皮內竹筒插入吸來

如取漆法

煩渴飲

差鬚髮塗黑暗風癩悶暈欲倒急飲下一吐便甦


子生青熟黃可曝乾寄遠北地以為珍菓食每蒸

熟取仁潤心肺生津通血脉填髓○芭蕉根性雖

相類醫方內不載拯疴。但吸其油。亦能黑髮。

景

天



景天

景天味苦酸。氣平無毒。一云有小毒。人家園亭。多以盆植。莖葉堅厚。隨插隨生。俗名掛壁青。謂無土養不瘁。又名慎火草。因治火瘡立差。煎湯浴小兒熱刺癩瘡。搗爛敷小兒赤遊丹毒。金瘡蠱毒兼療風驚熱燥。總醫花香細淺紅。帶赤白能止。

澤州徐長卿



泗州徐長卿



徐長卿

徐長卿味辛。氣溫無毒。淄徐淮間俱有。卑溼川澤纔

生春煖茂榮。冬寒枯槁。葉如柳葉。兩兩相當。根類細辛。區區短小。氣麤亦似。三月採收。粗杵以少蜜拌勻。磁甑蒸三伏。曝用去蠱毒疫疾。殺鬼物精邪。溫瘧祛惡氣逐。久服强悍。輕身延年。

雷公云 凡採得粗杵。拌少蜜。令遍用。甕器盛。蒸三伏時。日乾用。

黃藥



黃藥根



黃藥根

黃藥根味苦。氣平無毒。生三四尺高。莖根與小桑

類。萬州屬廣東者緊重。他處者輕虛。十月採乾。外科

多用。主咽喉痺塞。及諸惡瘡疽。治蛇犬咬傷。并心
肺積熱。生搗取汁。亦含亦塗。子肉味酸。消癭甚捷。
收須浸酒。日飲數杯。見效即停。不爾項縮。

石龍菊




黃藥根 石龍菊

石龍菊

石龍菊味苦。氣寒、微溫。無毒。生長山谷溼地。九節多味者良。又名龍鬚。織蓆堪用。五月採莖日曝。九月採根陰乾。通小便不利熱淋。除內傷不足虛痞。殺鬼疰惡毒。去尿管澀疼。潤皮毛槁枯。卻心腹邪氣。久服延壽。明目輕身。○敗蓆煎湯。治淋亦效。

石龍菊



石龍菊

石龍菊味苦。氣平無毒。雖生川澤。惟出益州

屬四一


叢數莖。一莖三葉。葉菊菊短小多缺。子綴綴色黃

味辛。

如葶藶子

又云。有兩種類。水生者葉光澤子圓。陸

生者葉有毛子銳。入藥劑內。水生者佳。二月八月採皮。五月五日收子。以大戟為使。畏蛇蛻吳茱。平胃氣。欠和。胃熱作滿。補陰氣不足。莖冷失精。風寒溼痺。齊肢。心腹邪氣。竟解。通利關節。悅澤皮膚。久服明目。輕身。令人結孕育子。其陸生者。天灸另名



原件短缺

P70下半页



